

石

匱

書

石匱書卷第一百十一

明 劉南張 岱著

王越列傳 附陳弼

王越大名之潞人長七尺餘多力善騎射好談說大
畧文藻敏發景泰二年舉進士方廷對風攝其策莫
知所之而墜於朝鮮之庭朝選國王方朝得以獻景
帝識其名錄進士選人得監察御史英宗復辟見
越進止奏對目屬之越精建臺事為都御史寇深所

受留並館諸道章久之擢山東按察使大同有虜患
常置巡撫吏部有所薦上嘆曰安得如韓雍其人
者乃請召越越衣短袂衣見便殿上熟視良久曰
是故快御史也可升而將擢右副都御史以行後與
都指揮陳越擊虜雙山堡進右副都御史居頃之為
成化元年請告去家三年召協理院事六年虜入河
套數擾延綏命越以總督視師大同與游擊將平范
瑾襲虜崖窰川俘四十餘人酋首加百二十進左副

都御史越復令諸將分軍十三各守營壘自與太監
蔡太監恒統軍萬二千有奇軍於榆林別分東西二
路夾之繼興西路左都督劉玉東路右都督劉聚擊
敗虜於墩索尖蓋先是文臣視師者從大軍後出號
令行賞罰而已至越始多選驍勇跳盪武騎將而與
虜戰探虜所聚或共零騎伺隙邀殺之用是數成功
再設伏邀破虜俘斬百餘獲馬牛羊器仗稱是癸巳
進左都御史賜蟒衣一襲詔武靖侯趙輔為平虜將

平統大平與越相繼逐虜虜據河套數出為寇越謀
知滿都魯字雅化加思蘭三酋者渡河分寇西路而
其妻子營於紅鹽池率總兵并寧等以精騎伍千出
榆林晝夜馳三百餘里分兵千餘為十伏相救自與
寧等分薄其營破之擒斬三百五十五級獲女穉駝
馬牛羊器械不可勝計焚其廬帳道過滿都魯等歸
邀敗之斬首百四十九俘所闔男婦二千馬騾牛羊
十二萬中伏千六百餘虜既敗歸見其廬帳妻子畜

產爭盡皆慟哭遂徙成化九年也虜自據套以來無
歲不深入殺掠遣將擁兵莫誰何徵所遺老弱及殺
平氏上功朝廷三遣大將欲改智而已聚兵八萬糜
資儲無算出師搜套頻歲而不敢行是舉也名越為
奇功提聞再賜璽書褒諭論功加太子太保食從一
品俸總督三邊優從居固原自以紅鹽池功大賞恆
不無缺缺尋移疾乞還京命與李賓掌都察院事兼
提督十二營同太監汪直還軍越請移所加官祿以

賞所與紅盤池共功將士詔進越兼兵部尚書明年
復加太子太保當此之時越自紂於直圖與誅建州
夷為功而遼東都御史陳誠賄直重未反也直既與
保定侯朱永徵功殺虜永得封保國公越心豔之笑
居亡何虜酋西化還詔保國公為平虜將軍往討乃
以越為總督直仍監其平越念直誅建州時永與征
行不先露使陳誠擅功因為直謀給永令將大兵錄
他適身與直將輕騎錄宣府大同俱會於榆林既至

大同虜已大掠出塞越語直曰與公受命討虜無俘
獲何以班師謀虜將在威寧海則選勁騎二萬餘與
直分道來風雪薄之虜狼狽出戰遂破之斬首四百
三十七級虜男婦百七十萬駝馬牛羊以數萬旗纛
甲仗萬餘提開詔班師當是時保國公永師至榆林
甫三日召還戰馬萬七千匹死者五千七功自如而
越得封威寧伯仍兼都御史歲祿千二百石予世券
御史許進等引王驥楊善例請仍領都察院事越亦

不肯就西班未幾復命出師至大同適虜從東山墩
入境剽掠越縱兵擊之黑石崖擒十八斬首百十三
級獲馬七百餘匹是役也首級少常下賞上用直
故進越太子太傅增歲祿二百石錄一子官改掌前
軍都督府總督五軍十二營兵馬而越就西班望侯
矣汪直在事久為其儕類所忌惡上亦漸疎之大
學士萬安劉吉等稍稍間目越遂復令越為平朔將
軍直仍監其軍駐宣府調度掣虜虜已退請班師不

許遂巡延綏而虜入寇河西清水營等處趙等使將
擊將軍劉率敗之於塔兒山叅將支玉敗之於大宋
梁延綏總兵許率敗之於三里塔橋十二人斬首虜
三百十七人功最多虜亦創懼不敢近邊而提調僅
加祿五十石汪直賞薄矣尋改趙征西將軍填大同
不復稱大帥而猶與直共一鎮萬安等請移趙帥延
綏以離之而令延綏帥許率填大同言省以寧直不
相能遂改直於南京御馬監既行則姦事大露上

今紛事論亂直八罪固并亂越 上使鄧永指揮齎
勅往諭越驚欲死既僅削官爵追誥券徙安陸州奪
其諸子之以功蔭報從得官者弘治初赦遂鄉辱上
書自訟下廷臣議議者不能定並錄其功過開得復
左都御史欽仕越妾衣哥造議論英生久歷西北陲
共於虜情邊形將品士勢歷歷在心逆敵意安開計
定發其自奉若諸侯王而御軍卹下財往來如流水
罷軍豪傑不知所從健將武較皆願為死長於吏部

判案章奏口占授記了無遺恨至肘藝衆端堪與之
說固不貫通既自吾負破岼剗崖機變出沒以故不
復循修素範常車騎過秦王王宴之奏妓酒闌離席
言曰下官不佞久執干戈困於兩鎮大王叱犬也府
中之妓美率有以酬臣否王許之盡乞以歸一日大
雪方坐地爐使四妓彈琵琶捧金屈卮侍門白詞唐
千戶至越入之千戶前白唐狀殊哲越嘉煖卮酒賜
之又談則又哲命妓令琵琶而酒千戶即歸千戶卮

又談則又暫大喜指妓曰是中有甚妹者否居即取之越在安陸若赦遂落皆池四射獵帳欲聲樂如故居久之太監李廣貴用事越家近京因復得通廣九年屠瀟從左都御史為吏部尚書會推四大臣自代上不簡中旨召越越都給事中御史源等言越故檢和小人也侍奉得官不足風示百僚上亦罷而是時虜寇西北邊其明年寇肅州巡撫甘肅都御史吳珉不能軍兵部議置總制重臣控制之瀟前後七

擬上置不簡最後擬越遂用之進太子太保總制
甘涼諸路邊務兼巡撫地方勅曰賀蘭山後虜巢也
虜久居知形便每入從其處卿為朕追勦之時越已
七十餘至則召諸將曰賀蘭山高如登天深如探淵
當分兵三路與罕夏延綏兵恭半進入至其曠遠分
為竒正得其有善水草可居此處疾驅長驅可得也
於是使延綏副總兵朱瑾領二千出南路總兵官李
俊領二千出中路副總兵張安監賚右監丞祁善領

二千出北路盡伏夜行穿山出野黎明越下令皆東
北行虜隨見兵從馬不得慌惚戰潰火燬其帳房車
輜深入窮追虜悉衆來士齊下馬用鎗斃打拒烟塵
漲天會大風復上馬來共風順塵暗持刀衝入追至
白髮寺諸將皆大梟益斬首虜號哭放火西去凡得
虜首四十二駝十九馬百二十半羊器仗千數提
開加少保兼太子太傅左都御史如故安善功爲多
各陞官一級是日卽曲以夜風驟亂皆不欲行一卒

曰天贊我也我夫唐不覺也歸逆逆虜歷而衡之皆是風也越下拜卒既成功奏授為千戶李廣敗自殺諸言官劾廷臣能廣者皆首言越然上竟不問亡何卒甘州贈太傅謚襄毅陳誠者為都御史撫遼東亡狀以事直得罪遷尚書後奪職歸誠才下越遠甚石墮書曰王越亦偉男子哉思肘後懸斗大黃金印是以汲汲於功名之途未免委蛇不惜屈身出人等下豈非為熱中所累乎然觀其雪夜琵琶以美姬賜

壯士又豈輕視予之所能為故其出師異域屢建膚
功要非倖致者笑用人之智去其詐彼將帥之臣柰
何深求之邪

又曰始威寧與保國公永千人巡邏虜猝至主客不
常永欲走威寧止之為陣列自固虜疑未敢前薄暮
令騎皆下馬啣枚無貫行毋反顧自率驍勇殿從山
後走五十里抵城虜不覺明日乃謂永曰我一動虜
蹙擊無咄類笑結陣示暇形以惑之也次第而行且

下馬無求榮、故虜不覺也、吾非不自危、姑矜情鎮耳、
嗟夫、越誠良將哉、

石鼓書

卷一百一十一 王越列傳

九

鳳鳴堂

石匱書卷百第十二

明 劄南張 岱著

毛吉葉禎湯胤勅列傳

毛吉餘姚人剛直嫉惡以景泰中進士授刑部廣東
司主事故事十三清史司分理在京諸司刑獄而廣
東司常錦衣衛錦衣衛者天子親軍故同察百官陰
事以聞或誣或定無所得置辯以是公卿大臣厚遇
諸錦衣有所請托不收輒裁抑之卒有犯者無所敢

問而告報按法處治鄒永卒目吉佯語曰毛葛刺時
掌錦衣衛者門達巡橫長安中百官遇途避恐後吉
遇達於途一手持經一手抗鞭而拱達顧曰此毛葛
刺邪其卒曰是也他日吉失朝下錦衣鞠問卒群走
報達曰毛葛刺失朝矣下錦衣達曰選巨杖吉至達
揅卒之健而恐者持巨杖杖擊之杖十五而臀骨見
群卒曰快乎哉葛刺自此畏已吉亦私念若曹不以
事至吾司則已至吾司無所望貸矣既出其持法絕

錦衣卒更逆於往時未幾陞廣東按察司僉事分巡
惠潮痛懲豪宗大戶毋得武斷吞併如時葉程鄉縣
民曾玉楊四謝瑩楊輝群行作賊玉四據石坑峒瑩
據龍歸峒輝據上寶龍下寶龍糾合福建上杭江西
安遠等處賊流以江廣者累歲率入縣治殺人民吉
調土著募拳勇禦之破石坑斬玉擒四破龍歸斬瑩
破上寶龍下寶龍斬輝以七百餘人先後斬獲其千
四百餘人而七百餘人皆不損一人犒賞糧餉皆出

臨時調度不取於官不煩於民成化初雷廉高三府
被廣西賊劫殺數百里間烟火蕭條吏民告守令賊
守令若固知更臺楚之有自賊中還者輒誣之通賊
吉分巡海北慨然以平削為意移文都指揮出擊賊
都指揮畏縮不敢出海康知縣王麒者在官用忠義
勵士遇賊輒奮擊守令將領反不悅之吉即與領衆
抵賊所戰敗之廣東總兵既信疏吉提狀以聞特旨
陞吉副使賜勅獎諭并陞麒為本府通判歲乙酉春

賊出惠之河源特掠翁源吉率官軍二千兼程追之
斬獲百餘級賊逆而奔頃之新會縣告急吉率指揮
閻華掌縣事同知陶魯令官軍民壯至大磴與賊遇
戰破之斬首二十餘級衆勝夜追至雲岫山去賊營
十餘里分諸將為三道約蓐食進擊屬夜晦失期賊
覺走伏營後山軍士突入望見空營皆入取其輜重
就推出賊從後追之閻華馬蹶見殺陶魯不敢前吉
勒馬持刀大呼獨身旋往從火廖振等曰軍勢不支

明府姑避之以圖再舉吉曰衆多被殺我可獨存至
去勿復顧我言未既數賊過吉谿之吉且罵且敵手
斬一人斬共一人臂遂被害是日大雷雨山谷震動
陰晦連朝踰八日始得吉屍顏色不變事聞贈廣東
按察使錄其子科國子生遣官諭祭而麒未被通川
命已死於賊亦加贈雷州府同知錄一子初吉之出
軍也其攜金千使吏余文主之十已用其三吉死文
念吉貧密歸其十之三於吉僕吉魂附僕婦請按察

使至而語之曰吉死矣而尚有知吉使吏主牒吏奉
餘金松諸吉僕請公司直之無令吉有貧窶之跡以
為地下羞科舉進士仕提學副使有名成化末言父
於朝為之請謚賜謚曰忠襄

葉嶺高要人今為高明人宣德乙卯鄉舉歷潯州鳳
陽慶遠同知以禦賊死贈廣西茶議嶺生長高要按
廣右地習見峒徭時特竊發為鄉人苦素扼腕迨官
潯州又當群蠻出入衝熟知其地勢險易戎情伺背

之詳每登高望遠慨然有一舉掃平之氣及來慶遠
見賊勢甚盛民生日蹙守吏往往怯懦不發而收民
之吏輒妄責軍將嘆曰慶遠之民盡笑每與僚吏言
激烈泣下既條郡中便宜事達白於督撫都御史葉
盛與郡中三老有善謀者謀之增括丁壯什伍其人
之長目分領之民爭赴集無匿以役禎躬鞍馬服弓
矢日訓練之諭以保衛鄉井之意莫不踴躍踴躍
首常父強者積牛剋賊也教敗官軍時或跳梁城下

英誰何禎以計生擒之取還所虜子女產畜自足賊
稍戢其徒黨狃常勝益憤恥互排結必甘心禎未幾
來大圍旗山民告急守將若固聞禎率民壯趨赴之
賊望見禎軍整不戰自潰奪還子女千餘人既獲兵
賊偵知無繼援潛躡其後禎逆斃與關毅傷相當十
公榮死之禎曰必再來嚴為備會所屬米蘭即地二
州上官遣土兵持土物牛酒來犒師禎謝却之諭之
曰若等能為我出力勦寇即以此犒若居二日賊合

衆攻難剽等寨報至禎請哨守指揮黃越出擊之越
方與知府黃振飲酒曰明徑圍村寨常事耳君明用
操心激變之罪君獨當之衆則不與知禎鵠諭再四
繼之以泣越振並不省禎怒拂衣上馬去號召民壯
束蘭那地二州土兵會兩府廟前出所作誓書諭之
大激發以忠義遂分兵東西行至中途柳青鋪前賊
遽突出人頭山下橫衝我兵禎麾衆與戰連數合無
救援賊益至賊物色禎所在攢矢向之禎身被數鎗

猶手刃一賊與共從于官慶民壯緩用和等三百人
皆死之是為天順三年春二月是役也忌禎功者潛
遣人泄機於賊故禎至於敗嶺南故無宜禎死之日
雷雨大作平地壑深尺許賊大驚兵棄所虜人畜去
民人聞禎死老婦號呼求禎遺骸山谷中又一日乃
得禎首他處相與裹滌數日始殮寓機城下平香燈
為文祭哭之忌者雖快禎死中旋懷懼米以敬愛近
禎帥府入其言民不勝忿相率斗號走千里憩於都

御史葉盛盛以聞於朝為天順六年去徵死者三年
制曰蘇軾擊智西公雖管偕孫子以捐軀馬暨挫海
于於靜江傾將士而絕命禎之節義奚讓古人可贈
朝列大夫廣西布政司右叅議

湯胤勣潯梁人其曾祖為東甌武勳王胤勣少負才
好使氣貌類河朔人兩眸睜然髭髯起如戟年十五
六入學為生徒日記數萬言學有舊版文千餘字胤
勣騎馬過一目成誦應天尹下學傳等乃請生胤勣

獨後至當窓大呼折戶聲撼庭木尹愧憤卒筭之徽
勅攘袂走出擊門題詩府署合扉上有從今袖却經
綸手且向江頭理釣絲之句遂去學出游江湖上凡
吳越間豪室富家爭延致之周文襄轉運江南開其
名召之至曰王侯能作故事否徽勅請紙筆即席具
狀幾萬言類宿弊者皆切當世務文襄奇之上書薦
其才有文武具驛召赴京時於少保方督諸軍請試
之立徽勅將臺下萬卒環視少保摘古今將畧及諸

事以問亂勅應對如洪鍾不能屈左右嘖嘖嘆賞少
保亦撫掌曰吾子誠有才入對授錦衣衛百戶正統
末英宗北狩朝廷遣使通問已命中書舍人趙縈
樺可副者衆舉亂勅詔以千戶如虜虜大酋脫脫不
花問中國事云何縈未及對亂勅前語之又特於坐
上箕踞呼憤朗誦其所著平胡論虜酋色變既出謂
中國譯者曰彼韓何為哉恨不殺之耳景泰中詔舉
將才朝忠安言亂勅才可用進署指揮僉事時興兵

者多忘胤勅不令治事胤勅亦時時嘆息其功名不
偶放浪詩酒間京師人率以為狂所與游最善者侍
講徐有負教授馮益太監劉濤 英宗復位有負用
事然亦嫉其才不推薦之胤勅亦不登其門天順間
校事者甚橫李文達多裁之而文達嘗召胤勅與語
胤勅張口論天下事及古今成敗一坐盡傾文達愛
其才將薦之校事者遂招拾胤勅往年在江南受賕
事下之獄怒而辱之胤勅詬罵不絕口至詆詆為奴

然胤勣是出息於人而不立券無以自白遂請為民
荷校出郡城故人有言之者胤勣仰天嘆曰吾子以
指揮為足榮一湯胤勣和捍有行弗顧成化初逆黨
思復其官再用言者言詔以捍帥出守孤山墜孤山
在延安西虜歲入守者多以罪敗點胤勣得詔曰噫
吾死矣夫孤山無城郭有他郡之來戍者七百人戰
則為偵軍守則為怯敵如此雖諸葛武侯復生亦難
乎免矣抵鎮草封事數千言大率謂朝廷宜先城孤

山聚楔樵募死士又移書當路言狀遂憤憤吐殺血
數升不能起丁亥虜入寇主將閉城門不出兵虜大
掠子女而束亂勦怒髮上指曰死固分也力疾而起
戎服跨馬率麾下百餘人邀虜於境上力戰數十衆
寡不敵遂死山下是年八月也亂勦為人忤張側儻
直欲起古豪傑與之友視世之稍稍者以為蹶蹶不
足與語好以氣雄人不問名位卑顯有不可意奮然
不顧或唾罵之至其面赤不少貸甚有撫之者江陰

知縣弗利於民將受代亂勅率少年數人直入縣廳
反縛之狀其罪送之上官上官大駭并收下獄凡數
歲會赦乃得釋是卽中時正嘗於坐上與之藏鉤不
勝而怒語侵亂勅亂勅捧之下奉之就之衆客為之
股栗與人言縱橫閭閻隨意所知有問古名將者亂
勅以岳飛張巡為第一人言巡似少遜亂勂瞑目曰
子不觀其對令狐潮之語乎卿未識人倫焉知天道
自唐以下誰有為此語其所見如此詩豪邁奇崛如

風雨晦冥中電光翁焘使人不敢正視又如雷斧斷
崖石下墜不測之淵觀者褫魄每就人席上操觚立
成數十章即名能詩者多為其所懾平生著述有五
雲清唱風雅遺音東谷集千餘卷無子程敏政曰予
少與胤勣游知其人使不死為大將將救萬民出陰
山其功名當不在古豪傑下顧獨膏血草莽中天也
或者謂胤勣類太史公所謂游俠乃大不然胤勣行
事雖若任俠然扣其所得朱家郭解直奴才耳烏足

以比亂勳哉

石匱書曰古名將之死於陣其死一也然有死于悞
者有死於故者死於悞者料其未必死而死爲者也
死於故者料其必死而死爲者也毛吉葉傾湯亂勳
自分一死又必死轉旋折以自成其一死是猶鼎鑊
在前解衣盤礴探湯而徐下之與彼劍鋌矢鏃倏忽
殞命者其難易又人懷矣嗚呼烈哉

石匱書卷第一百十三

明 鉅南張 岱著

王恕列傳

王恕陝之三原人正統壬戌進士改翰林院庶吉士
三年出為大理評事遷左寺副所獄決必麗情法嘗
條刑罰之不中者六事奏幸之懼知揚州府吏民愛
服歲再饑上疏再請賑度事已迎不待報而發倉庾
且別市藥以施病者其人不至後時而殍立書院居

諸生襲衣講說文事大振如張昂高銓馬岱丘俊俞
俊張銳輩後皆顯達揚人比之文翁以考最拜江西
右布政使江西嶺寇化賴州起奉檄率師討平之轉
河南左布政襄鄧流民剽通為變聚衆數十萬推石
龍為謀主劉長子苗龍而虎為羽翼勢甚猖獗擢起
都察院右副都御史捕治之南陽襄荊諸郡以都御
史開府自起始起雖軍府革創經畫有餘會以凶艱
當去詔奪喪後任乃與撫寧伯朱永兵部尚書白圭

督兵攻破之擒通并苗龍等下令毋得擅殺一人榜
示流民各使復業遂乞終制不許尋奉勅巡撫河南
以襄南功遷左副都御史境內霖旱不相對而又告
蝗大風盡悔乃上疏乞罷回極言止營建崇儉約以
回天意不聽明年入朝議事復上六事轉南京刑部
右侍郎治漕河請禁抑馬快船及弭災數事上為
下獨阻詔改南京戶部復改左副都御史巡撫雲南
恕於遷若左然朝議以雲南在萬里外西控諸夷南

接交人鎮守中貴橫甚欲借恕彈壓之恕心知所謂
平車攜二童子以往中貴人殘能使其麾下指揮郭
景等以玉帶龍衣美裘玩好馳驛謁安南王黎灝王
報以異寶生金通犀象牙等物景等復與其國互市
稠載還恕庶得之遣騎追執景景迫投井死因悉報
歸其從者下之獄而沒入其賄賂章露劾能私通外
夷罪當死當是時灝列為私却以通滇省欲來間掩
取我至是謀始杜殘能復使使來驛進黃鸝鵲恕復

上章極言明王不貴異物今萬里勞人進一羽族微
物恐天下有以窺見上意因盡發能貧賤暴肆諸
狀上不得已召能歸安置南京而然公諸大帥以
及土酋皆惴惴奉三人矢三品滿九載進右副都御
史尋召掌南京都察院事自無長物往還惟長書一
篋而已掌院未幾遷南京兵部尚書參贊如故盡攝
當將之占役者一卒不得走私門番使過龍江驛嚴
禁織作工賈非奉旨不得自為互市考選軍政即同

事者無敢干煩不便怒而適有與力取中旨改兵部
尚書兼左副都御史巡撫南畿兼總督糧餉怒乃上
言天下一切納貢賦者若收取過重至破家乞嚴禁
準光祿寺歲供白紫槩及庖人賤工請稍裁別派市
物料織造繒絲及貢獻花木禽鳥請賜蠲省皆報可
常州時有災米請以六萬石補常州之夏稅又以補
諸府戶口鹽鈔六百萬貫以官田賦太重減耗米十
餘萬明年水火各免秋糧數十萬草半之而同行賑

貸其貧者至二百餘萬口三吳之人以為自投巡撫
來幾一甲子獨恕與同忱忱以十八年恕不二年共
久與暫不相當然忱彷彿姚元之恕則賢於宋璟矣
太監杜福以中旨下常州取古書名載江網者及刻
絲觀音羅漢古跡恕言典謨訓誥無逸旅葵皆帝王
治平典要何取載江網外道妄誕何取觀音羅漢則
勅福百戶汪清齋無印信駕帖至即中鍾蓄所恕言
若有賜死重事而無印信可驗其人將死乎將不死

乎則勅清太監王敬扶千戶王臣以妖術取中旨齎
御節金妝市園藉藥物珍玩因張皇散勢搜括富人
財寶官府供億不貲則勅敬太監段英下蘇松等府
造藥梅水梅酥合油牛黃沉香乳香花毯絲綾諸物
所至誅求無藝怨並不應則勅英王敬來江南朝廷
予鹽引七千為物直敬動發軍用等府衛鹽至萬五
千餘引所得至二萬二千餘金復括取蘇常等府金
銀三千餘兩珍玩可數百事悉聽隨行千戶王臣指

擇判削平民以覲龍章則又勅敬既朝命召還敬後
留滯徐州者久之怒言王敬已取還復滯徐州惟千
戶王臣舍人張麒是抱幣盛貴紗需索金銀寶石撈
括玩器書畫組織綵緞五毒紅紗虧官損民難以計
數則又復勅敬上前後得恕疏雖有行有不行顧
見恕劾敬獨多心知敬罪惡敬入京誣奏恕株及常
州知府孫仁上達睿遣人偵敬盡得狀乃收捕敬
下錦衣獄誦戍之并戍其黨十八人而梟王臣首於

江南遠近稱快以是益歸心恕尋復為南東兵部尚書叅贊機務錢能復與緣得同守條南京與恕共事然益心服恕語人曰王公大人也吾惟有敬事而已滿九載加太子少保以秦晉亂言便宜十事刑部員外郎林俊疏論中貴人梁芳與妖僧誑悅比而劉大猷固未昌寺其言直忤旨下詔獄都督府經歷張輔救之亦下獄謫外恕言京師祀天地僅一壇祖宗暨先聖僅一廟而佛乃至千餘寺者舛也一寺立而移

民右者且百家費內帑者數十萬俊言當且興輔皆
復官亡何遷俊輔南京止蓋寺從恕因是益自信凡
應詔者二十一建白者二十九多能可天下益服恕
之直至朝事有所不可必曰王公胡不言則又曰公
疏且至矣而恕疏米至至為謹曰西京十二部獨有
一王恕公卿大臣皆側目而天子亦漸心厭之最後
所言政令失信尤中上歸會南京兵部右侍郎馬
顯以病告恕附批落恕太子少保以尚書致仕恕既

歸名益高臺諫推薦無虛月 上萌 孝宗即位即
宋特召之命馳驛來中途引疾乞休不許陛見改吏
部尚書即加太子太保言官猶謂恕且老不需勞以
繁劇宜用之內閣恪顧問 上報曰朕用寒義王直
故事官怨吏部謀議無不聽從何必內閣也時 上
於青宮內臣多所登進又賜服色莊田恕爭之上
巽辭以報南京守備太監蔣琮與御史姜紹等訐而
姜失實紹等謫而琮獨留恕謂獨留琮何以示天下

公不聽御史湯陽故嘗以經進譏怒者他亦諄諄有
所論建壽州守劉崇以書稱之引所夢為證事發而
大學士劉吉惡之下詔欲坐崇妖言律論斬傷亦
與同罪怒力辨救得減從成修理河橋工竣太監李
興乞陞工匠官四人冠帶者五人怒再執之不可乃
上言臣力竭矣惟 陛下慎之將來耳滿三載考最
授光祿大夫柱國 上念怒老大風雨雪免朝又免
午朝以疾告輒遣中貴人同御醫存問時正滿掌卷

事府亦加太子太保而以禮部尚書故班恕下既入
直文淵閣兼大學士恕尚持其吏部銜且先責摘玷
其上漭意弗懌會考察天下應覲官奏熙中旨留者
九十餘員而言官有拾遺疏復指其留而當熙者下
吏部恕乃詳擬各原考語及所察知者以聞有旨未
必實恕知有沮之者求去益力上弗許亡何太醫
院院判劉文泰奏恕矯詐強悍妄行選補御醫吏目
非故事及里居日托人作傳而賤行之曰大司馬三

原王公侍其疏辭不見行者皆曰不報以彰先帝
拒諫之失自此伊周無人臣禮恕意文泰受之丘濬
且疏辨謂臣傳作於成化二十年而致仕乃在二十
一年此非有憾於先帝者即臣傳內所言皆足以
昭先帝納諫之盛何名彰惡且文泰無賴逞此巧
刻之辭非老於文學陰謀詭計者不能乞于門面
究又泰及主使之人以正法紀遂下文泰錦衣獄獄
具謂文泰嘗謁丘濬語及恕傳濬謂此語直謗居

上聞之罪當不小文泰自是心動具奏欲論恕以語
故為民都御史吳楨楨亦為之奮言且潤色文泰草
而授之以上因請逮恕及濬楨而實上為左文泰
秩而責恕賣直沽名伴焚其傳草濬楨免究恕意不
能平復上疏辯復不能於是懇疏引疾乞休至再三
乃許之後濬卒文泰往弔其夫人叱之出曰為若而
使我相公斷王公負不義名於天下何弔為恕在位
志無日不在天下國家無日不與賢士大夫往來出

老更究心學問在留都時嘗出有狂夫向恕駘呼萬
載恕入都延諮僚屬駕部妾性曰昔張忠定行軍時
有故事恕曰止勿言待我自思比曉得教策還語性
性皆不荅因問當時忠定所以處者喟然嘆息謂古
人之不可及宋居年八十八笑猶作石渠意見取先
儒傳註稍悖聖經者與諸生商訂可否務刻依紫以
求分不傳之旨正德改元九十 武宗遣行人存問
加恩恕復疏教事又四年卒恕冠偉高岸居常噉食

兼數人至其日小斌已閉戶獨坐忽有數若雷白氣
瀰漫惘之慨天訃聞上輟朝予祭壑特起六官贈
特進左柱國太師謚端毅有立子十三孫多賢顯
而少子承裕仕至南京戶部尚書有學行不隳其家
毅

石匱書曰富家子請西賓詎可面數況在君臣之際
乎王端毅任朝事無大小輒肆口直言所謂事君數
者非乎疏辱亦所不免乃孝宗無不霽顏受之始

終款禮不少衰殆千古一主笑使瑞殺共探驪之手
而款遇逆麟其亦何能運臆若此哉

又曰王瑞殺之在陰也其猶麟鳳乎于忠肅之在極
也庶幾蛟龍矣麟鳳天下望而知其瑞蛟龍天下望
而思其澤

又曰王公立朝身繫安危治亂者五十年退以耆宿
高天下者又幾二十年王公後名在士大夫間不衰
以擬韓范而司馬然在當時猶有漁色之譏用足知

士行之難也

石匱書卷第一百十四

明 鈞南張岱著

馬文升列傳

馬文升河南鈞州人今改禹州景泰辛未進士家宰
王直異其材選授監察御史時領臺事者王文王翱
皆嚴重鮮可而獨寄腹文升以為因器出按山西再
按湖廣所至發奸摘伏有神君稱遂領全臺奏章以
母憂歸服除起拜福建按察使鎮守中貴人虐而肆

獨文升能制之閩賴以安尋進南大理寺卿成化初
因原土夷滿四披石城以叛拜文升為都察院右副
都御史佐總督都御史項忠率京邊諸軍五萬討賊
文升言於項忠盡焚城傍草斷汲路賊始稍稍困文
升設計降其臣滿璿并降其謀主楊虎程者誘執滿
四石城遂平提調進文升左副都御史漢中流民李
胡子倡妖言挾其衆以叛潼關軍餘火燭兒蒲城民
王彪皆肆為掠掠文升悉捕滅之虜牧河套將窺伺

我文升多築城堡募土民數千授之兵使相聚保虜
徙去臨洮鞏昌飢延緩平文升前後設法轉易粟給
之全活以萬計時茶法已久弛文升飭之以易背馬
八千餘匹軍中賄皆給遂疏言時事十五條及禦戎
三策上皆嘉納進提督甘涼寧夏三鎮軍務虜寇
臨鞏文升遣兵逐之至黑水口破擒其平章迭列孫
虜徙寇常州深入至好水州文升復縱兵破之於湯
羊嶺名其嶺曰得勝坡文升有所奏提不為參張中

亦無主之者以是報賞簿久之始入為兵部侍郎出
修薊門以來至遼左遼俗文非汰其老弱製五花營
八陣圖教之皆為精兵後陳誠代文非多詞伺將吏
小罪輒逮逮輒罰馬將吏既恐且狎法而馬價亦踴
貴文非遂上遼事十五條因反之誠以足邨文非時
海西衛都指揮散赤哈移文訴驗茂管指揮受其真
珠豹皮官為按究管供賂其都督產察使繫管散赤
哈散赤哈恨之乃率所部十餘騎稱入貢欲以面問

錢而守將以非貢道却弗納散赤哈益恨過經女直
建州三衛三衛以朝廷昔誅董山飛不平因留散赤
哈聚兵得數千騎大掠鳳集諸堡逼近塞者僧格等
十八族皆已有使貢恐誤中兵而留其使走之撫順
所白狀錢思得自解與副帥綿祇謀置之獄夜掩屠
其族殆盡更奏搗巢捷請大兵議勦撫太監汪直方
銳功名欲自往為言于上遣大監懷恩等詣閭部
議萬安相顧英發兵部尚書余子俊言虜使入貢而

屠其家無以示中國恩不如撫之文升曰善懷恩入
白上即命文升偕大通事屠升往而直不得行恨
文升文升至盡赦其被屠家餘衆撫以好語而海西
與三衛亦來聽文升察其意不實乃具言狀而行諸
路伏兵以待俄復入寇伏兵發斬首二百餘級生擒
數十人鹵駝馬稱是因兵威以諭都督產察悞悉請
歸命而汪直必欲自出及至遼左而事已定矣文升
與議戒勿用兵直佯聽却其敵禮且無所饋而陳誠

則餘厨傳盛為供帳見直叩頭便辟左右僮從皆有
賄相與謀傾文作文升殿事歸理部事而直則已
疏言文升寔弊之變收刑部尚書林樞往勘如直言
而文非乃戍四川之重慶衛天下聞而寬之汪直既
傾文升則偕陳誠大發兵破諸屬夷封升賞賜傾府
庫已而皆敗十幾年後起文升為左副都御史巡撫
遼東士卒聞文升後至皆鼓舞而於陳誠厚者不能
無自疑文升坦懷待之日收：理平政止禁戢士卒

人洪義總兵張鑑之為賤人益稱之亡何進右都御史總督漕運兼巡撫鳳陽等處尋召升兵部尚書文升念天下方困用兵思所以休息之而貴州都司苗叛守臣請合三鎮兵討之文升不可惟遣官勸叛卒無他時上幸方士李孜省欲有所薦代文升而間之中旨調南京兵部尚書恭質機務孝宗立召改都察院左都御史從耕藉田既宴教坊以雜伎陳出藝語文升正色曰汝曹輩陳農家作告使新天子

知稼穡艱難而已。藝語何為公卿愧之。先是太監陳
喜以方士鄭常恩言誘先帝於嶽與海濱。俱立碑
為隱語。下其寶物。厭填文。非請悉仆。研發出入寶物
於官從之。乃復條上時弊十五事。皆鑿鑿中窺。上
皆為嘉納。子繼以卿貢士待選。文非使請外曰。此大
臣子而京秩。雖當外者。尋復為兵部尚書。京師大水
上疏稱時事十餘條。於貴幸多所侵。又嚴覈六軍諸
校。斥其貧賤。異懦者三十餘人。以是有怨家。夜持斧

矢警文非門人飛書證其過射入東長安門內事聞
上嚴令錦衣官校緝訪而給金吾騎士十二出入為
文非衛文非因乞休優詔不許屬文非有小疾虜小
王子以教萬騎駐大同還外勢洶洶上使中貴人
扶醫視疾因問計文非謂此虜方敗於他部勢已絀
無能為也請密為之脩而揚最偏之虜果徙去安南
侵奪占城之五州地詔勒還之數支吾不服文非言
萬里偷度固難且不足重九重顧而會二國各入貢

貢使至乃請而折諸廷安南詞服因諭以恩威利害
且厚賜之歸而米還其侵地廣西土守岑欽與臣等
相讐殺巡撫欲因以為功請討之文亦不許第令騰
書戒飭已皆悔悟納款請死里太子出閣講學進少
保階光祿大夫勳柱國而文亦上章請擇正人輔導
以端聖功得諭德王璫等十餘人有旨傳陞憲王張
紀等二十七員為錦衣千戶文亦力諍謂此先朝弊
孔賴上初窒之今復啟之且無功而冒武職使邊

將解體 上為停弗行貴州苗叛文亦奏遣鎮遠侯
傾浦討之而虜寇甘涼文亦請使將擊將軍魯麟擊
之所至奏提哈答忠順王者次元遺孽也 文皇帝
寵其王子金印使率其民城哈答居之以通西域貢
道其位高而兵最弱忠順王死王母當國為吐魯番
酋鎖檀阿力所擒併奪其金印以去鎖檀阿力死子
阿黑麻立以金印歸我文亦請以王母之甥陝巴為
忠順王與之阿黑麻怨我賞薄謂陝巴賤種也何得

王哈密復輕兵入哈密虜陝已及金印去而使其驍
將牙木蘭以三百騎入守文升請執阿黑麻之貢使
寫亦滿達兒等四十餘人流聞廣而薦都御史許進
撫甘肅使率副將彭清等選番漢兵倍道而至夜攻
城墜破之牙木蘭以十里馬走謁阿黑麻而阿黑麻
方與赤斤蒙古衛相擊攻不能大發兵使別將將輕
騎五百圍復哈密復為赤斤衛所殺殆盡乃遣使
上書謝罪請歸陝已及金印於是文升亦奏還其貢

使酬以少金帛而哈容後笑清寧宮災 太皇太后
皇太后同居仁壽宮 上命文升與工部丞議修建
文升上言園營軍饒於後不可復相苦楚蜀災不勝
採伐三殿有儲木尚可材太僕馬惜薪薪其價可以
資工匠木石費倘不足則幸發內帑數萬金以繼之
及落成而公私不告匱 皇太后徙居之惟甚于文
升一子錦衣百戶賜錦幣亦優特北虜大節大入邊
殺掠吏民 上憂之甚召對便殿賜酒饌給筆札詢

戰守之策文非乃薦保國公朱祥等十餘人使選練
營卒待之虜不敢深入十四年非為吏部尚書明年
當大計上召文非至煖閣而諭之曰天下觀吏卑
集御用其心林訪母嚴母枉以彰熙陟之典文非頓
首曰陛下同治若此宗社之福也文非步履艱乃令
中貴人掖之下階至考察京條給事中吳錦王蓋以
罪妄當斥因先事誣文非及都御史戴珊欲兩持以
解文非曰吾安可市名而廢天子法悲者去之雲

南夷猛密叛木邦不肯下有毛叅政者深喜事同孟
養兵以攻猛密大敗孟養之師思祿怒大發兵破猛
密取蠻莫等十七寨撫臣諭使還猛密寨不聽則請
討孟養文升曰孟養所云報仇者名為我也止蠻夷
自相殺而我乃為不令之臣役何也請毋發兵而以
詔旨切責孟養諭之利害孟養大懼上書謝罪因盡
歸猛密十七寨猛密亦上書陳謝上悅滿九載加
少師兼太子太師時風雨壞南京鳳陽諸陵廟文升

悉改天下災異上之條修省十餘事優詔嘉納蓋文
升之為都察院與吏部尚書王恕皆知無不言恕直
而刺文升諫而詳每一疏出天下爭傳誦之而所樹
立亦堅定中青人李廣敗時王恕去已久公卿無不
見崇者彈疏瑣瑣上獨不能及文升以是名益著上
崩梓宮出德勝門文升徒步號哭二十餘里武宗
立書函諸大禮之費計黃金五千兩白金百八十萬
兩戶部計無所出欲裁諸王賜併借公侯勳戚莊田

租課文亦言 人主即位例推恩恩未下而先奪之
非禮也時已預藉諸藩司及大郎節積數請使進之
可得數十百萬費乃足弘治中 上最慎名器然傳
陞者猶七百六十三人文亦悉革之又請籍寧晉河
間靜海望莊地悉以予民而收其賦為 太后西宮
用因革中貴人之主莊者文亦居官久侍郎焦芳日
夜覲之候御史何天衢劾文亦采勞不堪任文亦乞
歸悉疏凡二十一上乃許歸三年而焦芳修卻構于

中貴人瑾削其官秩未幾卒年八十五明年瑾誅芳
作贈文升太傅璉端肅嘉靖初加贈特進左柱國太
師文升卒無幾而大盜趙鐸亂河南行剽至鈞州以
文升家在馬捨弗攻破泌陽前大學士焦芳已逃隱
毀其家發芳篋取其衣冠縛帶若人者而屠裂之曰
恨不為天下殺此賊人謂公足公非少於盜見之
石墮書曰馬端肅善將兵更善將將其料已料敵皆
預儲於胸中出以應卒如高屋建瓴勢無不下也故

自岷州提報純用虛報客外奏動悉勝書以帽伏之
而後任本兵一用顧時再用魯麟再用許進朱輝等
有成算屢奏膚功其發縱指示能不歸功端肅哉則
世之嫉功害能懷忌自用者見端肅而不愧汗浹背
者幾希矣

又曰馬文升益有西征石城撫安東夷興復哈密三
記云孔子作春秋書齊人歸田不自功也予攷周史
石城之征以歸項忠無一語及文升何哉興復哈密

許進撰平書始末自叙勞苦而文非巧言守臣實功
坐令共育長得逝去聞內聞外予不知孰是君子不
自功君子亦自功予其知無不言能無不為至今稱
名臣無間辭也